






◊ G A N G ◊ F O R W A R D ◊



◊ W I L L I A M ◊ S T I R L I N G ◊











Permission to use the Reading Room will be withdrawn from any person who shall write or make marks on any part of a printed book or manuscript belonging to the Museum.

Press Mark.	Heading and Title of the Work wanted.	Place.	Date.	Size.
555.C.2	<u>Schnelkoltz, Gab.</u> <u>Werkhafte Bildnis aller hoch löblichen</u> <u>Fürsten und Herren.</u> .. 1582, gedruckt zu Wittenberg durch Gab. riels Schnelkoltz. 40.			
(Date)	In this volume the Portraits of Duke Friedrich III., John I., John Frederick, Henry & Maurice seen to be from same block as in <u>Jena</u> .. <u>Imph Regum Principum Electorum &amp; Ducum</u> <u>Ja Jena</u> . Jan 2 1597. 40. * J.F. has the mark of Lucas Cranach. (Signature). (Number of the Reader's Seat).			

Please to restore each volume of the Catalogue to its place, as soon as done with.

date 1593. - A5 verso.

" 1597 - D3 verso.

sign. C. K. - A6 verso

portr aot de C. 6 recto,  
ressemble à celui de  
Cranach

Nagler - Monogr. II 106-107.

le maître C. K est un  
anonyme de l'école  
de Lucas Cranach, travaillant  
vers 1590-1610 en Saxe.









Digitized by the Internet Archive  
in 2018 with funding from  
Getty Research Institute







J C O N E S  
S I P E

# IMAGINES IMPP.

REGVM, PRINCIPVM, ELE-  
CTORVM ET DVCVM

Saxoniae,

Vnâ cum eorundem elogijs

NICOLAI REVSNERI LEORINI

COMITIS PALATINI CAESAREI, ET

Consiliarij Saxonici.



*Cum Privilegio Caesareo & Saxonico.*

I E N Æ

TYPIS TOBIÆ STEINMANNI: Impensis

HENNINGI GROSII ciuis & Bibliopolæ Lipsientis,

Anno M. D. XCVII.





SERENISS. ILLUSTRISS.Q.  
PRINCIPIB.  
FRIDERICO GVILIELMO  
PROELECTORI,  
CHRISTIANO II. ELECTOR.  
HAEREDI,  
*eiusq. Fratrib. Germ.*  
IOANNI GEORGIO & AVGVSTO,

*Nec non*  
IOHANNI,  
IOANNI CASIMIRO,  
&  
IOANNI ERNESTO,

*Vniuersis ac singulis*

DVCIBVS SAXONIAE, LANDGRA-  
VIIS TVRINGIAE, MARCHIONIB.  
MISNIAE

SACRI ROM. IMPERII  
*Principib.*

MAIORVM SVORVM  
LAUDATISSIMOR.  
HEROICARVM NON MINVS  
VIRTVTVM  
QVAM DIGNITATVM FORTVNARVMQ.  
AMPLISSIM.

HAEREDIB. ATQ. SVCCESSORIB.  
OPT. OPTATISS. Q.



THEATRVM HOC  
CE ICONICVM

TANQVAM AVGVSTVM VIRTVTIS ET  
SAPIENTIAE TEMPLVM

Non solum

VIVIS, LICET MVLTIS,  
INCLYTAE PROSAPIAE SAXONICAE PRINCIPVM  
IMAGINIBVS

Sed &

EORVNDDEM ELOGIIS MVSARVM VOCE  
LOQVACIBVS

TANTAE ET TAM ILLVSTRI VIRTVTI  
DEBITIS

AFFABRE INSTRUCTVM ATQVE  
EXORNATVM

NIC. REVSNERVS  
COM. PAL. CAES.

DEVOTISS. OBSEQVII  
MONVMENTVM

D. D.





**M**irificè iuuat heroes, praesertim eos, quos inclita virtus nostro seculo clarissimos fecit, ex veris imaginibus representatos, rursus uti adhuc superstites oculis intueri, & benigna cogitatione suspicere, tanquam defunctos, atq; omni prorsus inuidia carentes, quos ipsi de facie nouerimus, gerentesq; bella varijs periculis atq; victorijs inclaruisse viderimus. Habet enim in se hoc illustris & excellens virus, ut eà pradtos, & ceteris praestantes, vel apud ipsos hostes ac inimicos, in admirationem reduciua cum laude perducatur, inijciatq; elegantioribus ingenijs quendam honesta cupiditatis aculeum, agnoscendis eorum formis & vultibus, qui res literarum memoriâ dignas forti consilio & pugnaci dextra confecerint. Quandoquidem res magna & memorabiles plerunq; ex variâ tot casuum reputatione, à legentibus scripta, aut picta ora spectantibus voluptatem & dolorem, praeg. habitu praeferri vel mollioris animi interdum ex indignitate improbè atrociterq; factorum, miserationem & lachrymas eliciunt.

## INDEX ICONVM DVCVM SAXONIAE.

### MAGNI DVCES SAXONIAE.

1. VVitichindus Rex ultimus.
2. Ludolphus.
3. Bruno.
4. Otho.

### IMPP. ROM. SIVE Cæsares.

1. Henricus Anceps.
2. Otho I. Magnus.
3. Otho II.
4. Otho III.
5. Henricus Sanctus.

### DVCES LVNAEBVRGII.

1. Hermanus Bilingus.
2. Benno.

### ELECTORES SAXONIAE

#### E ducibus Lunaburgijs.

1. Bernhardus I.
2. Otdolphus.
3. Magnus.

#### & Comitibus Supplisburgi.

4. Lotharius IMPERATOR.

#### E Ducibus Banariae.

5. Henricus I. Superbus.
6. Henricus II. Leo.

#### E Ducibus Anhaltinis.

7. Bernardus II.

8. Albertus I.

9. Albertus II.

10. Rodolphus I.

11. Rodolphus II.

12. VVenceslaus.

13. Rodolphus III.

#### E Landgraujs Turingie & Marchionibz Misniae.

15. Fridericus I. Bellicosus.

16. Fridericus II. Placidus.

17. Ernestus.

18. Fridericus III. Sapiens, designatus Rex Romanorum.

19. Iohannes.

20. Iohannes Fridericus.

21. Mauricius.

22. Augustus.

23. Christianus. I.

24. Fridericus Guilielmus Proelector.

### DVCES SAXONIAE.

Henricus.

Ioan. Fridericus II. Ioan. Guilielmus, & Ioan. Fridericus III.

Christianus II. Ioan. Georgius, & Augustus.

Iohannes.

Iohannes Casimirus.

Iohannes Ernestus.

VVITICHINDVS



VVITICHINDVS MAGNVS REX VLTIMVS,  
ET DVX MAGNVS SAXONIAE I.

Remp. 4.  
Rudow. 12.



**P**rimus Saxoniae Dux Magnus, & ultimus idem  
Rex, alto regum sanguine cretus eram.  
Magna mei regni virtus, & magna potestas:  
Corporis at major vis animique mei.  
Tricennale movens bellum tibi CAROLE Magne;  
Acria tot dubio praelia Marte gero.  
Quam bene victoris cessit, mihi gratia magni!  
Te duce, do Christo nomen, & arma fero:  
Ipse salutiferi perfusus fluminis undâ:  
Hinc mihi parta salus est populoque meo.  
Iamque potens latè, Suevo cum Principe pugnantis  
Fortiter, occumbo non sine laude foris.



LVDOLPHVS MAGNVS DVX  
SAXONIAE. I I.

Lamp. 7.  
Rein. 14.



**F**lore virens animi pariter LVDOLPHVS & æui,  
Dux pius, & pronepos, Rex VVITICHINDE tuus:  
BRVNONIS post fata patris rego Saxonis oras:  
Promeritus Magni nomen & ipse Ducis.  
Albis quæ latè hinc interluit, inde Visurgis,  
Finibus adjicio regna beata meis.  
Sed quàm Marte ferox, & vinci nescius armis,  
Tam fidei seruans, & pietatis amans.  
Relligionis amore saluto mœnia Romæ:  
Reliquiasque sacras Dux facer inde fero.  
Munera quæ sacræ dono Vestalibus ædis,  
Quæ tumultum servat nunc quoque fida meum.

BRVNO





**M** Agnanimus Princeps, belloque expertus & armis:  
 Multa sub assiduo Marte pericla fero.  
 Dum vanos Diuim cogens desistere cultus,  
 Externo Christi planto sub orbe fidem.  
 Dania sit testis mihi, sit Normania te:llus  
 Victrices toties utraque passa manûs.  
 Mars dubius, nec certa satis victoria: victor  
 Ad mare repressus rursus ab hoste fero:  
 Cum merso falsis in fluctibus agmine perdo  
 Bislenos Comites, Pontificesque duos.  
 Ipse simul pereo, (heu) dignus meliore sepulchro:  
 In pelago magnos triste iacere duces.



OTHO MAGNVS DVX SAXONIÆ IV. ROM.  
IMP. DESIGNATVS.

*Remp. 8.  
Rais. 14.*



**S**axonica Magnus Princeps OTHO nuncupor ora:  
Par sic & nomen Patris Avi que gero.  
Magna fides animi, mentis moderatio magna,  
Religio que Dei laus mihi magna fuit.  
Perdomo Vandalicas acie victrice cohortes:  
Imperio subdo Vandala regna sacro.  
Imperio Caesar designor denique sacro:  
Deprecor ætatis nomine, tale decus.  
Pro me CVNRADVM rectorem destino regni:  
Imperii tutor nominor ipse sacri.  
Imperii toties at detrectata, sepulto  
Filius HENRICVS Casare sceptrum capit.

HENRI-



HENRICVS AVCEPS ROMANORVM  
IMPERATOR V.

Temp. 9.  
Rein. 14.



**S** Axoniæ primus post Francos impero Cæsar  
HENRICVS, patriæ gloria prima meæ.  
Aucupor, aucupiumque meum sunt Romula regna:  
Cura sed aucupij non fuit ista mei.  
Fortunæ secura nitet, dijs proxima virtus:  
Quam cupidis ultrò passibus ambit honos.  
Arnulphum vici sine vi, sine sanguine Boium:  
Hunnorum Salæ ripa cruore rubet.  
Te quoque Russe ferox, te Vandale, teque Boeme,  
Et te Mars domuit, Dalmata sæue, meus.  
Fine diem placido, Patriæ Pater, arbiter orbis,  
Multa obeo Cæsar post benefacta senex.

OTHO



OTHO I. ROM. IMPERATOR *cogn.*  
MAGNVS VI. *Remp. 10.*  
*Lat. 15.*




**M**agnus OTHO magnis nomen virtutibus æquo:  
Sospite me, sospes Teutonis ora fuit.  
Sen pacem, seu bella gero, Dij cœpta secundant:  
Auspice si quid ago numine, dexter ago.  
Filius hinc victus, fraterque generque rebellis:  
Et Francum socias Belga secutus opes.  
Quid memorem Scythicis egressos finibus Hunnos?  
Quid domitas gentes, magne Boeme, tuas?  
Adde, quod Ansoniæ sæ vos punire tyrannos,  
Et leges potui ferre, Quirine, tibi.  
Morte piâ, Cæsar pius, inter sacra Deorum  
Iam tenior vitam reddo animamque Deo.

OTHO



OTHO II. ROM. IMP.  
PERATOR VII.

Rem. 11.  
L. 17.



Imperio Patri, sed non virtute secundus :  
Ante ita aetate vis animosa meam.  
Nam puer impubes, & adhuc non utilis annis,  
Argiuo Calabrum tutor ab hoste solum.  
Seditione potens regno Patruelis adempto  
Exulat, & pœnas impietatis habet.  
Tres pariter Reges Martem finire coegi,  
Sarmaticum, Cimbrum, teque Boeme tuum.  
Perfida Gallorum domui quoque fortiter arma:  
Argolicas sed dum vindico classe manûs:  
A Siculis captus, linguaque redemptus & arc,  
Aufoniâ claudio liber in vrbē diem.

OTHO



OTHO III. ROM. IMP.  
PERATOR IIX.

Temp. 12.  
Anus. 18.



**M**Arte ferox, & pace potens, virtute fideque  
Inclytus, & regni callidus arte puer:  
Sceptra gero: Latius indidit pace tyrannis,  
Eligo Pontificem, Roma superba, tuum:  
**GREGORIUM** sacra dignatus honore cathedra:  
Quo pulso, Romam Marte furente peto.  
Vrbs capitur, vi&asque mihi dat perfida dextras:  
Præful utroque novus lumine caprus obit.  
Quique sibi fasces Consul Crescentius vrbs  
Vindicat, ad Stygias it iugularis aquas.  
Quod de gente tua legitur Germania Cæsar,  
Acceptum debes legibus omne meis.

HENRI-





**F**elix militiâ, vitâ castusque piusque,  
Sumptibus erexi splendida fana meis.  
Fratres edomui CVNIGVNDÆ conjugis ambos;  
Flandria quando subit capta Metis que jugum.  
Sarmaticâ fudi junctum cum gente Boemum:  
Christi adum docui Pannonia regna fidem:  
Quando foror STEPHANO datur uxor GISELA Regi:  
Cumque Saracenis arma cruenta tuli.  
Quid Frisios Henetosque loquar, victosque Pelasgos?  
Cœlitis hinc nomen pro pietate fero.  
Magna fuit gentes bello frenasse superbas  
Gloria: sed major fama fuisse pium.

B HERMAN.



HERMANNVS BILINGVS DVX SAXONIÆ  
ET LVNEBVRGI I.



**P**atria cui Stuccorna domus dat nomina gentis:  
Saxonica clarus nobilitatis Eques:  
Marte valens ac pace, domique forisque probatus:  
Virtutum superat nobilitate genus.  
Magnus OTHO Cæsar patriæ quem præficit oræ;  
Subdit & Albiacæ jugera lata plagæ.  
Ac Lunæburgi magnum iubet esse Dynastam:  
Primus ubi tumuli nobile marmor habet.  
Armis invidiam propulsat fortiter omnem:  
Templa Deo sacrat relligionis amans.  
Sincerus Christi cultor constansque per omne  
Aevum, virtutis præmia dignus habet.

BENNO



BENNO DVX SAXONIÆ ET  
LVNEBV RGI II.



**P**rimus OTHO Ducis HERMANNO dat nobile nomen:  
Firmat BENNONI quod decus alter OTHO.  
Dux pius & iustus, recti defensor & æqui;  
Commodior patriæ, quàm sibi, BENNO suæ:  
Relligionis amans simul, & virtutis: & armis  
Inclytus, & procerum maximus ipse sago.  
Cæsaris inprimis generosus miles OTHONIS:  
Penè puer puero iunctus amicitia.  
Cum quo Sauromatas & Cimbros Marte coerces:  
Ponit & Aufonio fulgida castra solo.  
Vandaliaë populos compescit robore dextra:  
Mandat & imposito subdere colla iugo.



BERNHARDVS I. ELECTOR  
SAXONIAE I.



**P**rimus Saxonico BERNHARDVS regnat in orbe  
Armiger: HERMANNO Principe Patre fatus.  
Lunæburga tuus Dominus, Princepsque secundus:  
Tertius Imperij cui decus addit OTHO.  
Clarus erat Princeps animo factisque: Boemos  
Compulit HENRICI Caesaris arma sequi.  
Grande jugum domitâ recipit cervice rebellis  
Vandalus: at CHRISTI non colit usque fidem.  
Principis expertus mores dominantis auaros:  
Auro pulsa fides sic pietasque fugit.  
Tyrigetis aduersa movet pugnacibus arma:  
Post octo moritur lustra peracta domi.

ORDOL-



ORDOLPHVS SAXONIÆ ELE-  
CTOR II.



**F**ortis, at infelix ORDOLPHVS filius armis.  
Saxona, defuncto pro Patre, regna regit.  
Vandalus infestat sævus quem Marte cruento;  
Ulturus Patris facta superba sui.  
Prædo potens populatur agros: Christi que profectos  
Salvificam, rigido conficit ense, fidem.  
Tristius est letho lethi genus: uxor acerba  
Morte luit domini GISELA facta sui.  
Prælia qui superis miser irrita miscet iniquis;  
Atque domum victus semper ab hoste redit.  
Nusquam tuta fides: desertus ab omnibus anno  
Biseno, vitæ lumine cæcus, obit.



MAGNVS ELECTOR SA-  
XONIAE III.



**M**agnus eras animo virtuteque MAGNE: salute  
Prælia pro patriæ sæpe secunda facis.  
Vandalicum superas præsentî Marte tyrannum;  
Amissum genti restituîsque decus.  
Auxilioque juvas Obetrîtas: Lusatiumque  
Imperio cogis subdere colla sacro.  
Pace carens, patriâ damnatum excedere terrâ  
Cæsar, & hinc cogit vincula dura pati.  
Cæsar opes, sed non animum tibi maximus aufert:  
Sors rarò magnis parcit iniquâ viris.  
Fortunâ dignum sic te meliore fatebor;  
Sed tu fortunæ victor es ipse tuæ.

LOTHA-



LOTHARIVS ELECTOR SAXONIÆ IV, ET  
ROMAN. IMPERATOR.



**M** Arte potens, vinci que LOTHARIVS inscius armis;  
 E Supplinburga gente domoque fatus:  
 Cæsaris auspicio Septemvir Saxo creatus:  
 Cæsareum meruit per sua facta decus.  
 Subjugat Imperij non magnis viribus urbes:  
 Et statuit multis parta trophæa locis.  
 Quid? quod ad urbanas quoque pacis idoneus artes,  
 Et pius, & iustus munificusque fuit.  
 Sexcentis annis Latio jus orbe sepultum  
 Proculit in lucem restituitque sacrum.  
 Vndecimo raptum quem Parca maligna Decembri,  
 Dum numerat palmas, credidit esse senem.



HENRICVS I. *cog.* SVPERBVSELE-  
CTOR SAXONIAE V.



**C**æsarei custos lateris, sociusque laborum  
Militiæ HENRICVS, sanguine Guelphus eram.  
Me Cæsar generum sibi prætulit omnibus unum,  
Si nescis, mihi dos Saxona terra fuit:  
Aemulus ALBERTVS tantum decus invidet VRSVS:  
Qui mihi sobrinus, qui mihi frater erat.  
Ille manum glomerat bello: fatisque repulsus  
Advocat in nostrum Cæsaris arma caput.  
Sed frustra: demum Soceri post fata, superbus  
Cæsareas vires dum peto, perdo meas.  
Res gravis ambitio, cæcæque superbia mentis  
Exitium secum triste malumque trahit.

HENRICVS



HENRICVS II. LEO ELECTOR  
SAXONIAE VI.



**M**agnanimus fortisque LEO, virtute feroci  
 Exsuperas: palmis nobilis atque togis.  
 Regna patris reddit Cæsar: quæ Rhenus & Albis  
 Alluit, Hercinijs undique cincta jugis.  
 Vt lapsu graviore ruas, sublatus in altum,  
 Cæsaris imperium spernis, & arma capis.  
 Per tria lustra vagus, spoliatus honore bonisque  
 Erras: causa fuit spiritus ille minax.  
 Vandalicos laus magna fuit domuisse tyrannos;  
 Et Christi populos edocuisse fidem.  
 Te vocat auctorem generis, sobolisque parentem,  
 Quæ Brunonis habet nomen ab urbe domus.

BERN.



BERNHARDVS II. ELECTOR SA-  
XONIAE. VII.



**A** Scanio Princeps BERNHARDVS sanguine natus,  
Primus Saxonici Principis arma gerit.  
Iuris amans, divum metuens, animosus in armis:  
Libertas patriæ quo duce sancta viget.  
Quod manet imperij Germania laudibus aucta:  
Virtuti magni debet id omne Ducis.  
Vandalus expertus præstantis robora dextræ:  
Agnovit dominum quem coluitque suum.  
Auratis enses trabibus rutæque corolla  
Ornat: & imperij deligit arma sui.  
Imperat octonis quater actis integer annis:  
Imperij sedes vrbs Viteberga fuit.

ALBER-



ALBERTVS I. ELECTOR SACHSÆ  
XONIAE. VIII.



Cæsar ALBERTVS Friderici Primus alumnus:  
 Castra diu sequitur Cæsariana Comes.  
 Auspicio cuius Cimbris erepta Lubeca,  
 Imperij rursus sub juga tracta venit.  
 Signa Palæstinis Pharijsque tuetur in ois  
 Cæsaris: & domito victor ab orbe redit.  
 Mœnia subvertens Solis de nomine dicta:  
 Sustulit inde caput, Barbara Diva, tuum.  
 Pontificis contra diras defendit OTHONEM  
 Constanti focerum mente fideque suum.  
 Sustinet imperij per sex octennia falces:  
 Iustitiæ Princeps & pietatis amans.

ALBER-



ALBERTVS II. ELECTOR SAXONIAE IX.



**Q** Vando Romano Germania Rege careret:  
 Mæstaque civili seditione foret:  
 Iura dabat populis ALBERTVS Saxonis oræ:  
 Romani custos Ensiser imperij.  
 Ille novum dominum sua per suffragia tandem  
 Te legit Imperio, magne RVDOLPHE, sacro.  
 Connubiis natam socias memor ergo pudicis  
 ALBERTI: dos est patria, Brema potens.  
 Parthenopen dubio populosam Marte fatigat:  
 Nunc victor, victus nunc redit inde domum.  
 Oppetit adversâ mox cuspide læsus ab hoste:  
 Leucoris exuvias Principis alta tenet.

RVDOL-



RVDOLPHVS I. ELECTOR  
SAXONIAE X.



**I** Vsticiâ præstans animæque RVDOLPHVS & armis:  
Cæsaris augusto nomine dictus Avi:  
Parthenopen bello petit infestatque: paternæ  
Aut ultor mortis, aut comes esse cupit.  
Prælia clade pari miscent: dein civica turba  
Vénit in hostiles, cæde cruenta, manûs.  
Pax longam pugnam concors utrinque diremit:  
Pax hominum studijs commoda, grata Deo:  
Cui comes alma fides, libertas plena pudoris:  
Felices populos, qui meruere frui!  
Régna decem lustris post annos possidet octo:  
Pace domi mânes contumulatus adit.

C RVDOL-



RVDOLPHVS II. ELECTOR  
SAXONIAE XI.



**N** Ec pietate Patri, nec Marte, RVDOLPHE, secundus,  
 Tu potes & patriæ miles, & esse pater.  
 Francorum jungis Regi socia arma PHILIPPO:  
 Quando te bello, Rex EDOVARDE, petit.  
 Ductor eras belli numero præstantior omni:  
 Pro meritis tibi Rex nomen equestre dedit.  
 Grande viæ precium, liventem sanguine Christi  
 Fers spinam: verum si modò fama canit.  
 Templâ redux sacris insignia condis in urbe  
 Leucoreâ, sanctæ religionis amans.  
 Bis septem regnas magnâ virtute per annos:  
 Saxoniz Fratri morte relinquis opes.

VVENCES.



VVENCESLAVS ELECTOR SA-  
XONIAE XII.



**N** Ectū carminibus nostris indictus abibis,  
VVENCESLAE, togæ militiæque decus.  
Tu cultor superūm, tu juris amator & æqui:  
Tu sanctæ custos religionis eras.  
Te bona facundæ commendat gratia linguæ:  
Iudicis unde boni nomina digna geris.  
Brunſuigam haud dubitas in prælia poſcere MAGNUM:  
Quem cruor & cædes bellaque ſemper habent.  
Lunæburga tuæ fidei ſe dedit: opemque  
Spondet, & imperio pâret ovatque tuo.  
Sola tibi contra juſ & fas Cella rebellat:  
Quâ mortem, duro vulnere læſus, obis.



RVDOLPHVS III. ELECTOR SA-  
XONIAE XIII.



**T**ertius Ensiseri Ducis auctus honore RVDOLPHVS,  
Dux pius & prudens magnanimusque fuit.  
Sed fortuna, comes virtutis semper iniqua,  
Haud fuit hunc dulci passa quiete frui.  
Præsul tecta diu quem Parthenopæus in arma  
Concitat: invadit dum sua regna ferox.  
Sed benè, quod cives levat obsidione, fugatis  
Hostibus. at Mœni dum redit urbe domum:  
Præfulis infidâ capitur Dux optimus arte  
Frissariæ, Mogi qui sedet urbe potens.  
Orbato tribus (heu!) natis prius, invidas hostis  
Crudeli miscet toxica cæca manu.

ALBERTVS



ALBERTVS III. ELECTOR SA-  
XONIAE XIII.



**V**ltimus Ascania Princeps ALBERTVS habebat  
Frater, Saxonia regna, RVDOLPHE, tuus:  
Infelix animi Princeps, opis indigus, expers  
Fraudis, & ingenua simplicitate bonus.  
Lassus venandi studio, cum conjugē chara  
Dum subit agrestem nocte madente calam:  
Exoritur subitus magnis fervoribus ignis:  
E quo vix nudo corpore saluus abit.  
Tertius hinc morbo languet moriturus inertis:  
Vix ubi regnantem tertia uidit hyems.  
Marchio Cæsarei vindex FRIDERICVS honoris,  
Saxonicum regit hinc, Cæsare dante, solum.



FRIDERICVS I. BELLIGOSVS, ELECTOR  
SAXONIAE XV.

Reimp. 20.  
Anno. 38.



**M**ilitiz FRIDERICVS amans, & Marte secundus,  
Saxonici meruit nomen & arma Ducis.  
Prussia pugnans iuveni robore vidit,  
Pro patriâ, sanctâ pro pietate Dei.  
Sedavit varios Comitum sine cæde tumultus  
Francorum: rebus qui studuere novis.  
Marte rebellantes domuit felice Boemos:  
Acceptæ cladis Brixia testis erit.  
Quid? quod pace bonus Musis facit ocia doctis:  
Civibus & statuit commoda jura suis.  
Invidiam virtute Ducum superavit & arte:  
Cui fortuna comes semper amica fuit.

FRIDE.



FRIDERICVS II. PLACIDVS ELECTOR  
SAXONIAE XVI.

Recup. 21.  
Anno. 39.



**I**ngenio placidus FRIDERICVS, & acer in armis.  
Filius, armigeri gaudet honore Ducis.  
Bella movet Francis ultor: pro fratre Boemos  
Persequitur duro Marte, fugatque truces:  
Sauromatasque domat, generosi Caesaris ultor:  
Lusatios armis territat atque minis.  
Mox cum fratre gerit GVILIELMO bella coactus:  
Pro Duce qui Brenni servidus arma capit.  
Dij tantum vetuere nefas: qui pectore dirus  
Hostis adit, subito frater amicus abit.  
Sexta fuit regni trigesima bruma peracta:  
Quando domi placida morte sepultus obit.



ERNESTVS ELECTOR SA-  
ONIAE XVII.

*Comp. 22.  
h. 42.*



**C**onjugio felix, opibusque, & prole nepotum  
 ERNESTVS, pacis maximus auctor erat.  
 Amisum plagio primis cum Fratre sub annis  
 Sospirat ingentis provida cura Dei.  
 Signa Boemiæ victritia movit in oris:  
 Et sua te voluit jura, Narisco, sequi.  
 Pannonia Matthiam Casimiro sponte Polono  
 Conciliat: facti Slesia testis erit.  
 Majestate gravis, cõmis sermone, benignus  
 Officio, castus meritis, fideque pius.  
 Sacrificum pascim luxûs compescuit armis:  
 Meruus in patriâ jam requiescit humo.

FRIDERICVS



FRIDERICVS III. SAPIENS ELECTOR SA-  
XONIAE XVIII. REX ROM.  
designatus.

Remp. 23.  
Rus. 43.



**P** Acis eras custos, pacis FRIDERICE sequester:  
Artis & ingenū cultor, & ore potens,  
Sed pius in primis, & religionis amator;  
Quæ Christi meritum speque fideque colit.  
Phœnices Syriosque petis florentibus annis:  
Et procul à patriâ trans mare curris humo.  
Pannonijs Scythicos avertis finibus hostes:  
In Venetos & cum Cæsare bella moves.  
Arbiter imperij frustra moriente rogatus  
Cæsare: te regno, CAROLE Quinte, legit.  
Leucoreâ fundat præclara sub urbe Lycea:  
Primus & hic tumuli nobile marmor habet.

IOAN.



IOHANNES I. CONSTANS ELECTOR  
SAXONIAE XIX.

Remp. 23.  
Anus. 43.



**M**agna dedit magno magnum constantia nomen  
IOANNI: virtus nec pietate minor:  
Quam constans animi defendit robore magni:  
Quum stetit ad vultus CAROLE Dive tuos.  
Cæsaris auspicijs, dum strenua sustinet ætas,  
Militiæ gaudet præmia longa sequi.  
Mœnia Regalis propugnat fervidus Albæ:  
Et domitis cogit cornibus ire Padum.  
Cætera pacificus, motus compescit agrestes:  
Præsentem expertus semper adesse Deum.  
Post fratrem, septem Princeps fortissimus annis  
Imperat: ingenio proximus, ut tumulto.

IOAN-



IOANNES FRIDERICVS MAGNANIMVS  
ELECTOR SAXONIAE XX.

*Remp. 24.  
Linc. 44.*



Q Vem Patris & Patruī commendant nomina magna,  
Quas tibi Dux laudes IANFRIDERICE canam?  
Princeps magnanimus, notæ pietatis alumnus,  
Assertor legum iustitiæque sacræ:  
Pro patriâ, Christi mortem pro laude pacisci  
Promptus eras: veri raptus amore Dei.  
Adverso vulnus fers captus & exul in ore:  
Inviictâ superas mille pericla fide.  
Non vis aut ferium, non te fors dura fatigat:  
Liberat hinc victor te reducemque facit.  
Plena metûs amor est Christi res, plena pericli:  
Pro quo qui patitur plurima, victor abit,

IOAN.



IOAN. FRIDERICVS II. IOAN. VVILHELMVS  
ET IOAN. FRIDERICVS III. FRATRES, *Temp. 25.*  
Duces Saxonie. *Henr. 45.*



**S**ancta Ducum trias, & concordia mutua fratrum  
Spirat in hac tabulâ non moritura brevi.  
Sancta Dei pietas regnat sub pectore sancto,  
Alma fides, verbi gratia dia sacri.  
Iuris & æquarum splendet reverentia legum:  
Nec lateant artes ingeniumq; Ducum.  
Multum nostra ætas his se debere fatetur:  
Quod sanctæ instaurant religionis opus.  
Exulibus præbent quod docta Lycea Camœnis:  
Quâ Salana suos lustrat amœna choros.  
Semper honos nomenque Ducum laudesque manebunt:  
Quæ venit è Musis, nescia fama mori,

HENRICVS



HENRICVS PIVS DVX SA/  
X O N I AE.

*Remp. 23.  
Lomb. 48.*



**P** Ectore quàm celsus Princeps, tam moribus æquus,  
Et pius, & veri simplicitate bonus.  
Spontè Palæstinas adolescens visitat oras:  
Sustinet & sanctæ mille pericla viæ.  
Phrysia regna redux tenet hinc, sic patre volente  
ALBERTO: sceptro regnat & ense potens.  
Friburgi tandem sedem sibi collocat arce:  
Sorte quæ contentus vivit ovatque suâ.  
Fratre sed extincto cum prole paterna GEORGO  
Possidet, & verbo cœlica regna beat:  
Propugnatque fidem rectam conamine magno:  
Principis inde PII nomen & omen habet.

D

MAURI-



# MAVRITIVS MAGNVS ELECTOR

SAXONIAE. XXI.

Remp. 24.

Regis. 49.



**M** illus in imperium magnum de paupere regno  
 MAVRICIVS, bello maximus atque togā:  
 Pannonium tyro primum pugnavit ad Istrum:  
 Altera bis Gallis intulit arma ferrox.

**O** mnia sunt hominū tenui pendētia filo,  
 Et subito casu quae ualuerunt ruunt.  
 Ut perit in primo Pelides flore iuuentae,  
 Pyrrhus et hoc ipso de genitore satus.  
 Ac Asiae domitor Macedum de stirpe creatus,  
 Et qui Burgundas Carolus auxilium opes:  
 Sic iam Mauriciū nimium properantia fata  
 Saxoniae terris eripuerunt Ducem.  
 Qui Gallos Turcosque feris uirtute repressit,  
 Militiae praestans artibus atque togae.  
 Hic modo cum patriā iustis defenderet armis,  
 Fudissetque hostes auxiliante Deo:  
 Fraude globus missus uictorē uulnerat, inde  
 Post pugnam uitae non mora longa fuit.  
 Commendās animā sed Christo, exorāia uitae  
 Haussit caelestis non dubitante fide.

Est fragilis natura hominum, sed reddere uita  
 Gaudia uult Christus non moritura pijs.

ANNVS NATIVITATIS

1521.

Insignis bello Mauricius nescitis Heros,  
 Spica ubi se in gloriose sole orante salo.

ANNVS IN QVO INAUGURATUR

Electoralui Saxoniae

1548.

Electoris ubi Saxonia suscepit honores,  
 Mauricius, plenis sol vagans astra per

ANNVS OBITU, (1553.)

1553.

Tormento Elector Saxoniae percussus obiit,  
 Ex CanCro Instituit sol ubi abire rotis.

VVITTEBERGAE. 1559.



AVGVSTVS PIVS ELECTOR SA-  
XONIAE XXII.

Remp. 24.  
Relig. 49.



**I**mperij sacri Septemvir, & inclytus heros,  
Cæsaris AVGVSTI nomen & omen habet.  
Mente pius, pietate gravis, gravitate verendus;  
Consilio prudens, iustitiaque potens.  
Cæsarei vindex decoris cum fratre triumphat:  
Signa per Atrebatas bellica quando movet.  
Armorum patriam formidine solvit: & altæ  
Expugnat victor Martia castra Gothæ.

**H**Æc ducis Augusti facies qui pacis amator  
Roma tuum Augustum nomine, reque refert.  
Iustitiaque tenens populosam Saxonis oram  
Suscepit fratris frena relicta sui.  
Huncque sibi generum Rex prætulit omnibus unum  
Qui tenuit iusta Danica sceptrum manu.  
Nota viri virtus, nota est constantia mentis,  
In pietate fides, pro pietate labor.  
Ergo nec invidia metuit, nec triste minantes  
Excidium regno Marte latente suo.  
Non vis, aut numerus, tandem bona causa triumphat,  
Defendente Deo nulla ruina nocet.

Augusto imperium Deus augeat, augeat annos  
Sic crescat nati gloria vera sui.



ANNVS NATIVITATIS

1526.

Saxonie AVGVSTVS DVX est pro DVCTVS In AVRAS  
TOLLERIS ASTIVE VT LVCE orlente Canis.

VVITEBERGÆ 1559.



CHRISTIANVS I. ELECTOR SA-  
XONIAE XXIII.

Renp. 25.  
R. 50.



**P** Ace potens belloque, sui flos inclytus ævi,  
CHRISTIANVS Princeps Saxonis ille domûs:  
Imperij sacri columen simul & decus: heros  
Mente vigil, fortis pectore, corde catus:  
Fervidus ingenio, cômis sermone, severus  
Vultu, re constans, sensibus innocuus.  
Iustitiæ cultor, rigidi servator honesti:  
Et fastûs osor, fraudis & hostis atrox.  
Bis sex vix lustris, & denis mensibus ægis  
Occidit (heu!) gentis fida columna suæ.  
Magnus ALEXANDER sic, hujus & æmulus alter  
MAVRITIVS patruus concidit ante diem.

n. 1560. 3 Nov.  
d. 1591. 25 Sept.  
ann. 30. 34 die.

FRIDE-



FRIDERICVS VVILHELMVS DVX SAXO-  
NIAE ET PROELECTOR.

Remp. 26.  
Reur. 46.



Q Vam benè Saxonicae Curator maximus ora,  
Atque Ducum Tutor diceris ipse trium, (voluntas  
Summe Ducum Dux ô FRIDERICHVVILHELME !  
CHRISTIANI Patris hoc nempe suprema rogat:  
Præcipit hoc ipsum quoque lex agnatica: sacri  
Aurea & Imperij sanctio certa jubet.  
Suadet at inprimis pietas & cura nepotum,  
Et tua, jam patriæ cognita, magna fides.  
Per te sancta Fides & Virtus crescit: alumni  
Principibus comes & gaudet adesse tuis.  
Publica res per te geritur benè numine diuûm:  
Pax, & tuta Quies floret, & alma Salus.

D 3

CHRISTI-



CHRISTIANVS II. IOAN. GEORGIVS ET  
 AVGVSTVS, DVCEs SAXONIAE *Remf. 26.*  
 fratres. *Reuß. 50.*



Q Væ Trias hæc? Fratrum. Sed quorum? Saxonis ora  
 Quos sibi prognatos numinis instar amat.  
 Quod nomen? Medius CHRISTIANVS: at iste GEORG'  
 IANVS: & AVGVSTVS tertius ille sedet.  
 Quis Pater? Imperij CHRISTIANVS nomine Princeps  
 Septemvir. Mater quæ? SOPHIA alma parens:  
 Magnus cui pater est Elector Marchidos oræ:  
 Principibus natis, Principe digna patre:  
 Quod foudium? Pietas, virtus, doctrina, fidesque:  
 Qua spe? Floreat ut publica ritè salus.  
 Quo duce? Magnanimo fit Principe tale magistro,  
 Qui patriæ pius est tutor & ipse pater.  
 Salveat ô fratrum Trias hæc veneranda potentum:  
 Perpetuis semper floreat aucta bonis.

IOAN-



IOANNES DVX SAXO-

X O I AE.

*Reg. 26.*

*Reich. 46.*



**H**oc caput, hæc frons est, hæc labra, hæc lumina tandē,  
Hoc pectus magni denique corque Ducis.  
Scin' nomen? nomen dat Gratia dīa IOANNI:  
Saxonica Dux est fida columna domus.  
Dulce caput, proba frons, labra mellea, lumina blanda,  
Pectus & est sapiens, corque fidele Ducis.  
Vnus habet divūm tot dotes corpore pulchro:  
Gaudet in hoc sedem quisq; tenere suam.

D 4

IOAN-



IOHANNES CASIMIRVS DVX SA-  
XONIAE.

Remp. 26.  
Relig. 45.



**P** Rincipis hâc spirat facies animata tabellâ:  
 Artificis scitâ tam benè picta manu.  
 Cui formosa Charis sine nube serenat ocellos:  
 Cui Peitho roseis sessitat alma labris.  
 Cui cerebrum complet sapientia magna Minervæ:  
 Cui Pietas medio pectore tota feder.  
 Denique hic est toto Dux IAN CASIMIRVS in orbe,  
 Notus iustitiâ, religione, fide.

IOAN.



IOANNES ERNESTVS DVX  
SAXONIAE. *Temp. 26. Rēsp. 45.*



Q Væ colitur violis pictura rosisque decoris,  
Cernis ut heroo servet in ore decus!  
Saxonis illa Ducis IANERNESTI exstat imago:  
Oscula cui figit Musa Charisque frequens.  
Certatim dat turba Duci sua munera divûm:  
Hermes eloquium: Phœbus & ingenium,  
Marsensem: Cytheræa decorem: Pallas & artes:  
Iuno dat sceptrum: Iuppiter ipse togam,  
Posse loqui dicas superûm tot dona tabellam:  
Scilicet hac toto par nihil orbe manet.







IN RV TAM INSIGNE INCLYTÆ  
DOMVS SAXONICAE.

Serpentes catosque fugat, prohibetque venena  
Ruta virens, oculis certa medela malis.  
Fœda Venus quos vexat adulandique libido,  
Cordati procul hos Principis aula fugat.  
Pestis enim regni sunt magna, venenaque certa;  
Quæ prohibent oculos cernere vera Ducum.  
Adsit Ruta virens; heroum nata coronis:  
Splendida Saxonica quæ decet arma domûs.  
Castus amor, verumque potens, & candor in aulâ,  
Simplicitas prudens regnet, & alma fides.  
Scilicet hæc olim casti BERNARDVS amoris  
Symbola Septemvir censuit esse sui:  
Urbe redux Venetâ, quum Saxona regna capeffens,  
Mutavit clypeos gentis & arma suæ.  
Salve Ruta potens longum frondosa per ævum:  
Imploretque tuam vesper & ortus opem.

*Thuringen*  
F I N I S.



2  
3  
4  
5  
6  
7  
8  
9 *gr. Oct. 1534.*  
10 *gr. 1534. 1535.*  
11  
12  
13 *gr. 1534. Brena.*  
14  
15
















A 644  
G 1467















SPECIAL

87-B

15951

THE GETTY CENTER  
LIBRARY



